

PRIMARII GALLIARVM SENATVS PRINCIPI.

Μακροβίου.

QVI apud te dicere audent (*SVMME SENATVS PRINCEPS*) magnitudinem tuam ignorant : qui nesciunt , humanitatem . Hæc quæ nuper accessum mihi ad te permisisti , & nostras esse aliquid putasti nugas , ut te incunctanter adirem , hortabatur : Præsertim cum sis eâ notissimus humanitate , ut ab eis qui te conueniunt , tuâ magnitudine digna nolis exigere , nec adducto supercilio summoneri inbeas , qui non satis politè angusta limina terunt (in quo tua virtus amabilior venit , quia grauitatem pari comitate condire tam rarum quàm magnum est) : illa secus , te quem in excelsissimo rerum fastigio surrectum stare norunt omnes , sine magnâ reuerentiâ , verbis byssinis , ac vestibus sepositis adiri nefas esse representabat ; ne si agasyrus (quo nomine Pittacus olim culpatus est) lepore , urbanitatis ac elegantiarum egens , Augustissimi Senatus Principem ἀγορεύων , purpureo colore conspicuum , καὶ τὴν δόξαν οὐκ ἴσους ἀμύμων liberius compellarem , tu nimia me erga te familiaritatis acuses . In hoc tandem cogitationum æstu vixit reportandi (ἀμύμων ἐόν) de fortissimis athletis triumpho necessitas : hi siquidem sculptâ tuâ imagine , uti Palladis ægide percussî obmutescent , omniumque aduersariorum molles ictus venient . Quid , si non in ære tantum expressus sed et in cure adesse , ac ades nostras magnus hospes implere non dedigneris ; num aliud expectandum , quàm ut ipsi relicta non benè parmula fugam cum dedecore maturent ? Piaculari ergo stultitiâ peccauerim , si te non aduerim patronum hisce questionibus , licet operosis regni negotijs assidue districtum : Et si hoc factò imitatus fuero temeritatem Charili , ignosces magnanimitate Alexandri .

Tibi additissimus & humillimus cliens STEPHANVS BACHOT.

QVÆSTIO MEDICA. CARDINALITIIS DISPUTATIONIBVS MANE DISCVTIENDA IN SCHOLIS MEDICORVM , DIE IOVIS XI. APRILIS, M. VRBANO BODINEAV Doctore Medico Regio , Moderatore.

An in febribus continuis putridis tenuis victus?

RECTA & idonea viuendi ratio non modo sanis , sed ægris quoque corporibus maximè necessaria , præcipuum est curationis instrumentum , quo Medicus artis supremus artifex ad morborum profligationem vitur . In plerisque affectibus sola sæpe sufficit , in omnibus semper proficua , sed in acutis præcipuè , qui haud dubiam ægrotantibus perniciem intentarent , nisi Medicus quasi in speculâ positus hostium adeò infensorum tela reprimeret , & exquisitâ viuendi legénaturæ succenturiaretur . Tam varia sunt victus discrimina , quàm multiplices morborum differentiæ . Ipsa quoque morborum tempora diuerso victu gaudent ; soli hæc viuendi momenta perito artifice explorata sunt , qui extremitates suillas in epilepticis , inædiam & vinum in acutissimorum vigore atque ipsâ curatione suo tempore præscribit .

TRIPLEX diætâ , tenuis , media , & plena : hæc sanorum , tenuis & media conualescentium simul & ægrotantium : chronici morbi mediam , ut acuti tenuem exposulant . Tenuis & media à vegetantibus solis , plena non ab illis modò , sed quoque & maximè ab animantibus eruuntur . Vnaquæque suos habet gradus . Imponunt sani sibi viuendi legem magno suo interdum malo . In ægrotantium & neutrorum victu discernendo , nullus à Medico arber esse debet . Conualescentes non statim sed eâdem temporis proportionem , quâ per morbum à naturali statu descivere rescindunt . A viribus & morbo cuiuslibet victus pendet indicatio . Oppressæ vires distinguendæ à fractis , quales ut plurimum in acutis existunt . Ad victus tenuitatem pertinet inædia , melicratum , pitisanæ succus ex decocto hordei paratus , dum coctione tantisper dissiliat , additis aceto sale , & oleo ; dum planè in succum versum fuerit hordecum , pitisana dicitur ad mediam diætâ revocanda , sicut aqua panata ad tenuem .

IN nobis siue sponte suâ corrumpantur humores , siue extrinsecus ab obstructione & putridorum occurssu accersatur putredo , dubio procul est his omnibus de causis calorem nativum minui , & oppressum languere , ita ut humores solui & effrenati excusso calorî nativî imperio , in maioribus & minoribus vasis facillimè putrescant : Ex quo duplex febrium ingruit cohors , intermittentiū & continuarum . Quæ in maioribus vasis consistit putredo , aut ipsa per se aut per putrem vaporem cor afficit , è quo assidua fit putrida febris , tam conclusa quàm synochus , quæ non secus ac inflammationes partium principum acutis morbis accensentur : Ut gravissimis ab initio stipantur symptomatis , sic toto decursu licet breui terroris & periculi plurimum continent .

NON definit in corpore febris , donec humores qui eam alunt & fouent consumpti , edomiti , aut euacuatî fuerint . Opus illud naturæ est liberè agentis . Vbi impeditur adiuuanda Medici operâ atque consilio : non hic confert plena diætâ , nullâ ratione attritis sed oppressis duntaxat viribus , cum soleant magis lædi impura corpora , quò nutriuntur magis ; victus tenuis apprimè est consentaneus . Inter cætera laudatur succus pitisanæ , melicratum aut inædia . In acutis si humores quos inueniens vel feruare vel augere studeas , morbum ex ardente furentem feceris . Non est augenda humorum copia , ubi eorum vberitas onere grauis est minuenda . Præstat sinere naturam coctioni incumbentem , quàm eam ad cibum conficiendum mitigandumque prouocare , eo præsertim tempore quo non rescindendæ aut augendæ , sed tenui cibo fouendæ ac sustinendæ vires .

AD tenuem victum non pertinent oia licet forbilia , validum viscidum que edulium ; multo minùs carniū iuscula , quæ assumpta seipsis calidiora euadunt , in æstuantibus visceribus facillimè corrumpuntur , os exsiccant , sitim accendunt , naturæ negotium faceiunt , ventriculum lubuerunt cum in eo fluctuent , nec habeant quo effrascant , damnis ægrum muletant , morbum protrahunt , intemperiem falsedine altius inculcant , alui fluxus excitant , vires frangunt , periculum augent , crism impediunt , recidivas pariunt . Sed omnium instar est melicratum consociare nostro calorî , in pituitosis præsertim febribus , crasis corporibus , aut in morbi vigore . In cæteris vero acutis , eorumque alijs à vigore temporibus punctum omne feret pitisanæ succus , qui exhibitus iustus ex intervalis sitim sedat , ventrem humectat , facile coquitur , distribuitur , putredinem humorum idoneâ deterfione reprimat , semiputridos succos emendat , vires instaurat , febrium denique omnium putredinem , ferociam & acrimoniam demulcet .

Ergò in febribus continuis putridis tenuis victus.

Proponebat Lutetiæ STEPHANVS BACHOT Senonicus . A . R . S . H . M . DC . XLVII